

۴ ربیع الآخر ۱۳۳۱

نخستین

۲۸ شباط ۱۳۲۸

نومرو ۱۸ — ۲۴

نسخه سی ۲۰ پاره در



امور اداره و تحریریه و اعلانات و سائرہ ایچون مدبر
مسئولہ سراجعت ایدلمیدر .

ایونہ سی بر سنهك اعتبارله ممالك عثمانیه ایچون
اون بش و ممالك اجنبیه ایچون ۲۰ خروشددر .

محل اداره باب عالی جوارنده ابوالسمود جاده سنده
نجم استقبال مطبعه سی

شمديك اون بش كونده بر نشر اولتور

مرقاي امك مقالات متصوفانه لینه جريدہ
صوفيه لك صحنه لری آچیتدر .

تصوفی ، دینی اخلاقی ، سیاسی جریده اسلامیه در

فلسفہ

وجود

کورلمز، بصیرت صاحب نظران شعله انوار عظمت الهیهه تعالی
و تماشیدن بشقه بر شیئی کوسترمز لر . حقك ذات نامحدوده بدایت
اولدینی کی صفات نامعدودینه غایت تصور اولماز ازل و ابد
دیدیکمز شیر نحت احاطه حقده مندرجدر . خلاصه کلام حقك
وجودی، حقك وجودی . حقك شهودی ، حقك شهودیدر .

وجود او عین ذات اوست
همه موجودات رشعة از فیض جود اوست

جميع وجود اوکا محتاج واونکله قائمدر . زهی علو جلال ،
زهی عظمت جمال ، احدیت حق عین واحدیت حقدر . وحدتی
ایسه هر ایکسنگده عینی در . (هستی) برلفظ فارسیدر عربیده
وجود دیر لر . برنجینك مقابلی نیستی ایکنجینك عدمدر .
اصطلاحات صوفیهده موجودك معناسی ذوالوجوددن عبارتدر .
بعضاً لفظ وجود ذکر اولندینی وقتده حقیقتی قصد اولتور .
هستی وی بذات خود دست و هستی باقی موجودات بوی
حقیقتده اوندن بشقه خارجهده موجود یوقدر . موجودات
باقیه اونك عارضیدر لر . فقط ینه اونکله قائمدر لر .

هستی بقیاس عقل اصحاب قیود جز عارض اعیان حقایق نمود
لیکن بمکاشفات ارباب شهود اعیان همه عارض اندومعروض وجود
لباس مختلفه و متعدده ايله ظهور ایدن وجود، جمع موجودات
و مکونانك باطناً حقیقتیدر . بر ذره متصور دکدرکه او وجوددن
خالی اولسون ، متنوع لباسی اولان هستی بی نظیرده تیناب بی
حد مندرجدر . محدثانیدن هیچ بر محدث و ممکن او وجوددن
ا کتساب فیض ایتکمترین قدم زن عالم ناسوت اولماز خلاصه
سویلرله وحدت حق مقابل کثرت اولمیان وحدندر .

فؤاد المولوی

حق ، وجود هر موجود و مسجود ايله موجوددر . وجود
حق عین وجود هر شیئی و وجود هر شیئی عین وجود حقدر .
وجود حق ايله وجود ذات هر شیئی ، امر مقول و هر زبیه توجه
ایدیلیرسه وجه اللهدر . حق شرکت غیردن مقدسدر .

بز بونی سوره فاتحهك باشند و ابتدائی مکتبده اوقودق ،
فقط اکلامدق : (الحمد) ده کی حرف تمرینی استغراقه حمل
ایدنجه هر حامدك حمدی یعنی حمد یحد و شکر بیعد دیوروز .
کالات ذات مطلق نهایی اولدینی کی ذات مقیدكده حد و پایانی
اولماز .

وجود عالم وجود حقدن بر قطره در . عالم حقك ظهوری
تورینك شهودندن و حقك احتجاجبندن بر لمعدر . اختفای حق
شدت ظهور حقدن عبارتدر .

سرو حدت در نیاید هیچ کس حیرت آمد حاصل دانا و بس
کرچه توحید نو میخوانیم ما هم تو دانائی که نا دانیم ما
ای منزله ذات از فهم عقول در صفات دور عقل بوالفضول

آثار قدرت و انوار عظمتك جمله سی حقه راجعدر جمال احدیت
حق ، ملاحظه افکاردن مبرا و جلال صمدیتی زحمت ملا بست
انکاردن مراددر . مبارزاک میدان فصاحت توصیف حقده مسکندر لر
حق رموزات حواس و محازات قیاسدن متعالیدر عزت معرفت حق
تعرض او هام و تردد افهامدن خالیدر .

هدایت میرفته عقواک حیرت و تلاشدن باشقه بر آری